

南開大學中國社會史研究中心資料叢刊

近代中國實業志

28

鳳凰出版社

南開大學中國社會史研究中心資料叢刊

近代中國實業志

28



鳳凰出版社

第二十八冊

直隸省商品陳列所第一次實業調查記

(二)

直隸省商品陳列所編

民國六年……………一

直隸省商品陳列所
第一次實業調查記

(二)

直隸省商品陳列所編

民國六年

第九區

兩京

市津

報告書

索引

北京市
天津市

一五七
一六一

一總說

北京古爲幽冀之地。遼金而後。迭建京師。至今日。商業之複雜。工藝之美備。皆爲全國所稱道。而考其發達之原因。絕非由於天產豐富。交通扼要諸關係。蓋純以數百年來。帝王建都。人文萃聚。吸收全國之菁華。供一地之消費。所以致之也。其實業界繁複之狀。非一時見聞所能盡。姑就調查所及。編爲目次。報告於後。

北京城垣闊大。分內外二城。其初但有內城。明嘉靖時。復建外城。環內城南一面。內城周四十里。有門九。南面中爲正陽門。東爲崇文門。西爲宣武門。東面北爲東直門。南爲朝陽門。西面北爲西直門。南爲阜成門。北面東爲安定門。西爲德勝門。外城計長二十八里。有門七。南面中爲永定門。東爲左安門。西爲右安門。東面曰廣渠門。西面曰廣安門。接近內城城垣有北向之門二。東曰東便門。西曰西便門。外城內城之四隅。各有角樓。廣安門初曰廣寧門。後因避清帝諱。改稱廣安。又都人呼各門各有俗稱。正陽門曰前門。崇文門曰哈達門。宣武門曰順治門。朝陽門曰齊化門。阜成門曰平則門。左安門曰江寧門。右安門曰南西門。廣渠門曰沙鍋門。廣安門曰彰儀門。此俗名。京人蓋無人不。知。正名反間有不知者。內城門九。外城門七。俗稱裏九外七云。近年鐵路通後。於外面城垣關門數處。以通鐵路。東便門角樓南一處。以通京通鐵路。左安門西一處。以通京奉鐵路。西便門角樓南一處。以通京漢鐵路。於正陽門東對南御河橋之水關處。關門一。爲光緒庚子年所關。呼曰水關。門鐫英字曰 *Water Gate*。皇城之內。居民市廛尙夥。各門之任人通行者。則南面之中華門。東面之東長安門。及東安門。（俗稱外東門）西面之西長安門。及西安門。（俗稱外西門）北面之地安門。（俗稱後門）中華門及東西長安門。皆爲民國成立以後始開放者。中華門但准步行。

北京引京西玉泉山之水。經頤和園長河入城。積爲池沼。又迴繞禁城及內外城。所謂護城河是也。

北京居人。漢人概多寄籍。以原籍浙江及山東者占大多數。滿人皆居內城及外城有營房之處。近年居內城之滿人。亦間有移居外城者。蒙古人之自清初來京者。已盡脫蒙古之風習。亦居內城。藏人爲數最少。喇嘛中有之。回教人之原籍回部者。多居於廣安門內教子胡同牛街一帶。及朝陽門內外等處。以上之人。皆在京執業。確爲其住所者。其他客居之人。來往不時。則各地各族。無不有之。故俗諺有北京人全之語。於北京設有寺院之宗教。有釋教。及喇嘛教。道教。回教。天主教。耶穌教等。各教寺院最大者。如釋教之柏林寺。喇嘛教之雍和宮。嵩

祝寺。道教之白雲觀。回教之教子胡同禮拜寺。花兒市大街禮拜寺。天主教之西什庫教堂曰北堂。宣武門城根教堂曰南堂。東安門外丁字街之天主教堂。東直門內俄國教堂。耶穌教之崇文門內福音堂。孝順胡同美以美會。燈市口之耶穌教堂等是。

北京氣候。略呈大陸性。夏日酷暑。冬日嚴寒。年平均溫度。約在華氏五十三度。

北京街道。舊有無風三尺土。有雨一街泥之謂。近年大街修築馬路。各胡同亦皆有專人修理。較勝於前。惟車制不良。路終難治。言北京之交通。則乘人者。昔時有腳驢。現下爲人力車。淘汰幾盡。有騾車。近亦漸少。近時稱盛者。惟馬車。人力車等。摩脫車亦漸見增多。腳踏車則自備自用。無出賃者。東便門外。有小舟行運河。越五關以達通縣。冬季則有冰床。圍城護城河之冰床。則東便門至崇文門。崇文門至正陽門。正陽門至宣武門。宣武門至西便門等處。載貨有數馬共牽之大車。運輸山貨者。則有駱駝。城廂附近往來搬運者。則以肩挑。或用手推小車。俗稱二把手者爲多。城內運搬什物。妨搖損者。又多以肩承之。而不以車載。肩承爲一種特技。詳後勞動業中。

京師車站則正陽門之東。有京奉京通兩路車站。永定門外。有京奉路車站。正陽門之西。有京漢路車站。西直門外及廣安門外。均有京張路車站。永定門外。有通南苑之軍用輕便鐵路。行人亦可搭坐。

郵局在東長安街路北。此爲總局。支局代辦。各大街備設。甚便利。電報總局在東長安街。電話局在前門外琉璃廠。及東城燈市口大街。京中不少古蹟廟宇。及足供游觀之地。擇述之於左。

天壇。爲祀天之所。在正陽門外東南周十里。崇垣圍繞。多古松柏。祈年殿建築闊大。壇內產藥材多種。如益母草。龍鬚菜。天門冬。傘兒草等。藥店取益母草以爲膏。爲婦科靈藥。俗稱天壇益母膏。甚著名。民國以後。每於國慶日開放。任人觀覽。

先農壇。在正陽門外西南。周六里。爲昔時皇帝親耕之所。多古松柏。民國而後。屢開放。任人觀覽。

關帝廟。京都關帝廟甚多。內城各門。藝城皆建有關帝廟。惟以正陽門藝城之關帝廟。香火最盛。

觀音廟。以正陽門藝城之菩薩廟。香火最盛。

隆福寺。在東四牌樓北隆福寺街。喇嘛居之。逢九逢十廟會。月小則下旬改爲二十九日及下月初一日。演雜技。售百物。俗稱東廟。

護國寺。在西四牌樓北護國寺街。喇嘛居之。寺爲元相托克托故宅。有趙孟頫書碑。每逢七逢八開廟。俗稱西廟。後殿爲土坯所築。俗呼土坯殿。爲一古蹟。

火神廟。正陽門外琉璃廠東門之火神廟。每年陰歷正月初一日至十五日。有古玩玉器書畫字帖等商。陳貨廟內。游人甚夥。

金魚池 在正陽門外天壇東北養金魚爲業者皆在此頗可觀玩

碧霞玄君廟 一在永定門外凉水河。俗稱南頂。陰歷五月初一日至初十日開廟。一在右安門外草橋北。俗稱中頂。陰歷六月初一日開廟。一在西直門外藍靛廠。俗稱西頂。陰歷四月初一日至十五日開廟。一在德勝門外。俗稱北頂。一在東直門外。俗稱東頂。皆四月十八日開廟。南頂中頂西頂廟季雜售百物玩具及賽車馬。北頂東頂則爲農人集市。多售農具者。

黑寺 在德勝門外三里許。琉璃瓦純青色。故有黑寺之名。本名慈度寺。喇嘛居之。正月二十三日喇嘛跳布札。所謂打鬼是也。寺旁賽車馬。極其喧闐。

大鐘寺 即覺生寺。在德勝門外。正月初一日至十五日開廟。寺有大鐘。

藥王廟 德勝門內舊鼓樓大街迤北。爲北藥王廟。崇文門外曉市路北。爲南藥王廟。東直門大街路北。爲小藥王廟。皆朔望開廟。

積水灘 在德勝門內迤西。清流迴抱。沿堤榆柳。壘有小山。有廟曰匯通廟。夏令多往是處納涼者。

西黃寺 在安定門外。居喇嘛。正月十三日至十五日跳布札。其盛等於黑寺。

雍和宮 在安定門內。喇嘛居之。建築宏大。都人多往觀之。

精忠廟 安定門內北新橋東路北之精忠廟。每逢陰歷元旦開廟。又自正月十三日起開廟。五晝夜。陳列紗燈。正陽門外東大市精忠廟。無廟會。梨園行公所在是。

柏林寺 在安定門內。建於元時。爲京中大刹。

東嶽廟 朝陽門外二里。東嶽廟。傳爲南宋時建。元時重修。賜張道士。廟內有趙孟頫所書碑。即道教碑是也。泥像爲名手劉鑾所塑。每年由陰歷三月十五日至二十八日。爲廟會期。游人甚衆。有售食物玩具及演技者。其東九天宮同時開廟。又宣武門外南下窪城隍廟東側。有東嶽廟。廟會期與城隍廟同。

妙峯山 在京西北。山路崎嶇。有碧霞玄君廟。四月初一日至二十八日開會。極盛。

崇元觀 在西直門內。俗名曹老公觀。爲明太監曹化淳建。正月初一日至十五日開廟。廟今已圯。

農事試驗場 在西直門外。俗稱萬牲園。爲三貝子花園故址。內有動物園。植物園。各式樓閣。風景甚佳。每日開放。

萬壽寺 在西直門外。面長河。每年陰歷四月初一日至十五日開廟。趕廟售物者及游人均甚多。

碧雲寺 在西直門外靜宜園之北。建築宏壯。每年四月初一日至十五日開廟。游人甚多。

萬壽山 在京西。距西直門十八里。山水佳麗。多游人。頤和園建於是。

玉泉山 在萬壽山西。泉水甘冽。風景殊佳。

香山 在玉泉山西南。山水勝景。

五塔寺 在西直門外。即大正覺寺是也。寺爲明建。黃綠琉璃瓦爲崇臺。上築五塔。稱爲金剛寶座。

西山諸刹 西山古刹林立。夏季游人最盛。翠微山上有著名之八大處。蓋指古刹八處也。茲不列述。

釣魚台 在阜城門外西北三里許。又名望海樓。九月九日。多賽車馬者。

利瑪竇墓 在阜城門外。

妙應寺 即白塔寺。在阜城門內大街。喇嘛居之。每逢五逢六廟會。此爲近年新增之廟會。

嵩祝寺 在地安門內。喇嘛居之。爲蒙古章嘉胡圖克圖佛駐錫之所。

十刹海 在地安門外。夏日荷花最盛。游人極夥。並有售雜物飲食之棚攤。

賢良寺 在東安門外。常爲來京大員行館。

雙塔慶壽寺 在西長安街。傳爲金時大慶壽寺遺址。有二塔。一九級。一七級。

臥佛寺 在崇文門外花兒市鐵轆轤把。佛爲臥像。每年五月初一日至初九日開廟。

太陽宮 在崇文門外磁器口東南。二月初一日至初五日開廟。

法塔寺 在崇文門外。塔高十丈。石趺碑身。七級八面。

花園宮 在宣武門內西鬧市口。都城隍廟旁。城隍廟期。其處亦極繁鬧。

土地廟 在宣武門外下斜街。每月逢三開廟。陳售百物。

城隍廟 宣武門內西鬧市口。城隍廟街之都城隍廟。清初建。陰歷五月初一日至初十日爲廟會期。宣武門外南下窪城隍廟。曰江南城隍廟。明時建。每逢陰歷清明節。中元節。十月初一日。爲廟會期。其傍有東嶽廟。同日開廟。均有趕廟售食物玩具及演雜技者。游人甚衆。

法源寺 在宣武門外西磚胡同南。爲唐憫忠寺舊址。廟中丁香頗盛。花盛開時。都中士夫多往賞觀吟咏。

崇效寺 在宣武門外白紙坊。建於唐時。植花甚盛。海棠丁香之外。尤以牡丹著名。時有賞觀者。題詠亦多。

龍泉寺 在宣武門外黑窯廠。古刹也。現在附設孤兒院。

龍爪槐 在宣武門外南下窪。廟本名興誠寺。附近多蘆葦。廟內有閣。憑高遠眺。快人心目。

陶然亭 在宣武門外南下窪。爲遼時慈悲院故址。清康熙時。郎中江藻重脩。因又稱江亭。登其閣。彌望蘆葦。亦一勝境也。都中文人。常假

是地作雅集。

審台 在宣武門外南下窪。爲明黑窯廠地。今成土阜。其上有火神殿。開茶社。夏日。都人士。多至是處納涼。四圍蘆葦。綠浪起伏。極目北望。

可見中華門。登臨其上。胸襟爲之廓然。

夕照寺 在廣渠門內育嬰堂東。

架松 在廣渠門外。肅王墳地。古松攀面若龍形。下以木架架之。爲北京一古蹟。

黃木廠 在廣渠門外。在楠木長約七丈餘。

善果寺 在廣安門內。每年六月初五初六兩日開廟。爲瞭經日。游人頗多。

天寧寺 在廣安門外。古刹也。有隋時建塔。高二十七丈五十五寸。無級可循。

蟠桃宮 在東便門內。三月初一日至初三日開廟。近增至初五日。亦賽車馬。

二關 在東便門外。即廣豐關。夏日。游人多乘船往游。

白雲觀 在西便門外。爲唐天長觀舊址。正月初一日至十九日廟會。游人如織。有賽車馬者。

高粱關 在西便門外迤北。水自玉泉山來。夾岸楊柳。風景幽勝。清明節。四月八日。端午日。多游人。

南北河池 在廣安門外。石路南北。南曰南河池。北曰北河池。植蓮花。有屋數楹。夏日。賃人宴客。時有往游者。

永定門外茶社 永定門外城一帶。夏日。茶社競開。高臺茶社。四合號茶社。皆有名。大沙土口。夏日。賽車馬。茶棚林立。游人如織。

燕台八景 世傳燕台八景。曰。金台夕照。玉泉垂虹。蘆溝曉月。薊門煙樹。居庸疊翠。太液清波。瓊島春雲。西山晴雪。是也。金台夕照。指永定

門外東南三里許土阜上有亭。清帝書金台夕照四字勒石。玉泉垂虹。指京西玉泉山泉水發處。有石刻螭頭。泉自吻中流出。下垂如正練。蘆溝曉月。指京西蘆溝河侵晨波光映月。薊門煙樹。指京北土城關。樹木蒼翠。居庸疊翠。指居庸關重層層嶂。太液清波。指禁城內太

液池波光清漪。瓊島春雲。指禁城內西苑太液池中之瓊華島多奇石。西山晴雪。指京西恆山雪霽後。積雪儼若畫圖。

京人多循謹尙義節。性機警。富忍耐。力。模仿。模仿一事。每能青出於藍。但少冒險進取之思想。又多有戀鄉之念。其戀鄉之念。實以昔時京居多有恆產。或有專業。即不然。則在當地謀一勞動。事亦非難。苟非窳惰之輩。營一己之生活良易。無就食四方之必要。歷久生息。遂成積習。習俗則昔時惟滿人貴族及少數富家。飲食服飾。一切奢華。一般社會。則尙儉樸。近自交通便利以後。社會上亦稍染奢靡之風。然此亦文明進步生活程度增高之例也。京中婚喪諸禮。至不一致。以本皆客籍。各沿其本來之俗。種種不同。雖土著者。亦難周知。惟四時季節之俗。大致尙無大異。並有關於節令之商品集會等。於市場之繁榮。殊有關係。以次記其大略。改用陽歷以後。繁盛之狀。雖少遜於前。然每逢節令。仍多沿舊日習慣。四時節令。皆以陰歷相沿。正月初一日元旦。是日各廟大都開廟。往各廟拈香者甚盛。正陽門裏城之關帝廟。菩薩廟。拈香者極形擁擠。琉璃廠廠甸。於是日起。陳售玩物食品古玩等。至十六日乃止。德勝門外大鐘寺。西直門內曹老公觀。均由是日起開廟。至十五日乃畢。西便門外白雲觀。由是日起。開廟拈香趕廟者。惟玩物及食品。至十九日乃畢。惟元旦尙不繁開。各行工商。悉由是日起。休息三日。或五日。相聚飲酒爲歡。以水角爲新年必具之食物。初二日爲祀財神之日。廣安門外柳巷村五顯財神廟。香火極盛。近年少衰。初五日爲破五。過此日商店皆陸續開市。元宵節俗稱燈節。自十三日迄十六日。皆屬節期。昔時正陽門一帶及各大街。皆盛飾燈綵。放煙火。打鑼鼓。以爲佳節之點綴。有紗燈。羊角燈。冰燈。麥龍。諸有趣之燈綵。一般文人。則射文虎。以遣佳興。近年以來。此風不若昔時之盛。煙火幾無放者。燈亦大減矣。北新橋之精忠廟。燈節開廟。十七十八兩日。西便門外白雲觀。游人最夥。十八日曰會神仙。琉璃廠東門之火神廟。自初十日以後。始繁開。陳售古書畫碑帖古玩玉石珠翠各物。安寧門外西黃寺。十三日至十五日。黑寺。二十三。喇嘛跳布札。俗稱打鬼。二十五日。曰添倉。糧商祭神。居家則治飲食。以相食飲。二月初一日曰太陽生。崇文門外太陽宮開廟五日。居家備太陽糕。以祭日。太陽糕米麪爲之。上插彩色糯米搏成之雞形。初二日曰龍抬頭。必治飲食。停鍼。三月初一日起。東便門內蟠桃宮開廟三日。京西檀柘寺。開廟半月。十五日至二十八日。爲開陽門外東嶽廟開廟。二十八日最盛。曰擇慶會。十八日。京西天台山開廟一日。清明節。居家皆祭掃墓。赴西便門外高梁園。作踏青游。南下窪城隍廟。開廟。榆錢。發生。撮取合麵。糖爲糕。曰榆錢糕。十八日爲梨園行祭神日。戲班停戲一日。曰官工。四月初一日至十五日。京西梨雲寺妙峰山。京東北了悟山。西便門外萬壽寺。四項均開廟。正月初八日爲佛生日。有以青黃豆。煮熟。施路人曰捨綠豆者。近來甚稀。十八日。德勝門外北頂。東直門外東頂。均開廟。多售農具等物。二十八日。右安門外看台皂角二地。皆有廟會。以麥麵炒熟。合糖食之。曰涼炒麵。炒案山。拈香極衆。演會者皆必往。謂之朝頂進香。五月初一日起。居家即以蒲支插門。以

紅紙剪胡盧黃紙繪火判符籙五毒等粘門首以誌端陽。互餽禮物。皆角黍糕餅之屬。初五日爲端陽正日。居家互賀節喜。自初一日起。宣武門內都城隍廟。永定門外南頂。皆開廟十日。臥佛寺開廟五日。十一日起。永定門外十里河關帝廟。開廟三日。演戲酬神。賽車馬。十三日。雍和宮喇嘛喇嘛。游觀甚夥。永定門外大沙子口。自是日起。賽車馬。六月初一日。中頂廟會。多售花草者。演會者。亦多往之。初六日爲廣安門內善果寺。開經日。二十三日爲馬王誕日。以車馬爲業者。皆致祭焉。二十四日爲祭關公日。七月十五日中元節。皆祭神掃墓。以彩紙作蓮瓣。合爲燈。曰蓮花燈。以青蒿縛碎。香然之。曰蒿子燈。東便門外二廟。及朝陽門等處。有盂蘭會。於舟中扮演諸會。及僧人焰口。放河燈。此風。今不如昔之盛。南下窪江南城隍廟。開廟一日。妙峯山亦開廟半月。八月初一日。崇文門外皂君廟。開廟三日。市上皆臨時設攤。以售鮮果及泥製兔神玩具。居家互餽節禮。皆月餅果品之屬。十五日互賀節喜。晚間祀月。九月初一日。至初九日。西便門外白雲觀。喇嘛。曰九皇會。初九日多往南下窪之陶然亭。龍爪槐。廣安門外之天寧寺等處。作登高之舉。糕點舖作糕夾。以雜果曰花糕。十月初一日。爲祭祀之節。南下窪江南城隍廟。開廟一日。二十五日。阜城門內白塔寺。喇嘛繞塔。唵經。十一月。冬至日。尙食餛飩。冬至以後。放紙。薦者甚盛。十二月初八日。爲臘八。以諸米雜果爲粥。曰臘八粥。以祀佛及餽贈親友。二十三日。以餉糖魚牲祀鬼。五送年禮。尋常廟會。至年終則多連市。如逢三日之土地廟。則自二十三日。逢四日之花兒市。則自二十四日起。至年終。無復間斷。民國成立以後。定陽歷十月十日爲國慶日。是日開放先農壇各處。任人游覽。於各大街繫縛牌坊。以誌慶。陽歷年節略同。

一北京之種植業

花 植花概在城外。如右安門外廣安門外。德勝門外。增郭一帶。植各種花。專供京中之需要。亦多有暖室。以養唐花。京南十八里之豐台。植芍藥甚盛。廣安門外數里。多植竹。亦皆專以北京爲銷場。城內花廠。則多在內城之隆福寺。護國寺。外城宣武門外。下斜街等處。四季各有應時之花。擇其普通多數者。略表如左。其種植之期。則圍城附近一帶皆有。

時別	品名
春	折枝山桃 魚兒牡丹 海棠 玉蘭 丁香 碧桃 榆葉梅 藤蘿 蝴蝶蘭 薔薇 水仙 剪春羅
夏	玫瑰 月季 竹 夾竹桃 石榴 梔子 芍藥 牡丹 茉莉 草蘭 荷 夜來香 晚香玉 玉簪 鳳仙 江西臘 景天(即八寶) 美人蕉 薄荷 繡毯 吐鴿 艾康 高壽菊 金盞 香荷花 石竹 火絨 虞美人 銀江兩 子午蓮 荷包牡丹
秋	秋海棠 菊 桂 芙蓉 西番蓮 秋葵 雞冠 紫葳 剪秋羅
冬季唐花	水仙 梅花 牡丹 茶花 臘梅 海棠 玉蘭 天竹 茉莉 迎春 探春 榆葉梅 香椿 佛手 木瓜 橘 金銀 碧桃

北京嗜用茶葉鼻煙。以茉莉薰者為上。供給此項用途茉莉之花。其暖室多專養茉莉。而不兼養他花。每晨摘取。藏以木箱。裏棉袱。急足擔之。送往各舖。行須極速。至時仍必含葩未放。稍見開放。即無人過問矣。

菜園以右安門外為最多。廣安門外。及城內緣城隙地各處。亦皆有之。種各種鮮蔬。供京中需用。每晨由零售者。赴其處選購。擔運入市。四時各有應時之菜。冬季有由暖室培養之胡瓜等物。俗稱洞子貨。價甚昂貴。胡瓜每對。售價須一元餘。此業皆為花廠所兼營。各菜園。冬季惟養菠薐。及以糞糞韭菜。葉成黃色。俗名韭黃者。二物。所有之菜。擇本地培養者。大略列之如左。

時別	品名
春夏季 (正月至四月)	小蘿蔔 羊角葱 青韭 黃韭 豆芽菜(綠豆切芽) 黃豆芽 黃豆幼芽) 韭 芫荽(又名香菜) 菠薐(即菠菜) 青蒜 蒜苗 蘆蒿 香椿芽 蕪荳 麥薺
夏秋季 (五月至九月)	芹 茴香菜 龍蝦菜 苣荳 鹽豆 油芥 芫荽 同蒿 甘藍 莖兒菜 藕 胡瓜 苦瓜 南瓜 北瓜 絲瓜 冬瓜 茄 西葫蘆 豌豆 毛豆(即豌豆之) 青扁豆 扁扁豆 扁扁豆 葱 蒜 蒿苗 高苣菜 鮮番椒(即辣椒又名秦椒) 茭白 甜瓜 西瓜
秋冬季 (十月至十二月)	乾菠薐 蒜(即大白菜)
冬季 蔬菜	白蒜 胡瓜 茄 番椒 蒜苗 白蘿蔔 青蘿蔔 橫藍 龍蝦菜 雪裏蕪 蔓菁 甘藍 高糧根(即銀條菜) 藕 香椿芽
冬季 貨	茄 胡瓜 冬瓜 豌豆 雲扁豆 香椿芽 蠶豆 毛豆
四季 常 有 之 菜	菠薐 小白菜 芫荽 蘿蔔

蓮藕 內城十刹海。及廣安門外南河沿。荷塘植蓮甚茂。花藕。蓮蓬。皆出售。花以賞觀。藕及蓮蓬為時鮮食品。藕亦為蔬用。荷葉用以裹物。果藕最早生者。為京西溫泉產。

其他 城內依城隙地。多種煙葉。及玉蜀黍高糧等物。

一 北京之畜養業

北京畜養各種動物為業者。種類甚多。惟豬羊等類。皆自外來。暫為飼養。即已轉賣屠宰。貓則無買賣者。皆不得謂之畜養業也。

牛 北京回教人所營之奶茶舖皆畜牛取乳售鮮乳乳酪及其他乳製食物爲精美之食品。
驢、馬、驢 畜之爲挽車馱物乘人之用多恃之爲業者。

獾狗 一種犬俗稱獾狗善捕獾聽官最發達皆截去其耳及尾之半有專畜犬捕獾者。

叭狗 叭狗乃人爲淘汰之種體小足短頭扁吻短平毛有極短者有甚長者曰獅子狗以毛色配置之美惡判價值之高低內城隆福寺護國寺廟會每有携之求售者佳者每隻售至數十元次者每隻亦需一二元。

鼠、松鼠及家兔 有畜之赴各廟會趕廟以求售者爲玩賞之品。

鴨 城外依護城河一帶皆有養鴨者尤以東便門外爲多北京著名之填鴨則爲城內鷄鴨店之技藝用高糧及蕎麥等物搏爲桿狀塞鴨口中力摩其膝填畢閉狹室中使不得大走於是肥臍日加。

鴿 大別爲樓鴿家鴿二種樓鴿毛色劣僅堪供食用家鴿爲賞玩之品以人爲淘汰之功毛色有甚美觀者種類極繁名色有所謂鳳頭點子玉翅等多不勝數有畜之趕廟(隆福寺護國寺花兒市土地廟等處)出售者其養之爲玩賞之品者孳生既多或有品色稍劣者亦即赴廟售之鴿

尾縛以竹哨每晨驚之使飛盤旋空際其聲嗚嗚可聽又可携於遠處放之歸家京師錢市在前門外珠寶市一小街內每晨各處錢商皆集於是相交易及探詢行情路遙者多携鴿往書行情於紙縛鴿身縱之返使無少舛誤今則無矣。

各種鳥 畜鳥爲京人嗜好之一售鳥者亦盛宣武門傍一帶皆售鳥者稱鳥兒市其鳥皆外來者畜以待售多數者略列於下。

畫眉 藍靛類 紅靛類 百靈 黃雀 吱吱黑 山喜雀 葦鷺子 秦吉了 八鷓 鸚鵡 (以上皆善鳴) 葵花鳥 鸚鵡 白玉鳥 翠雀 (以上皆羽毛美麗) 西嘴 交嘴 燕雀 (以上皆善巧技)

以上各種皆常見者價格以優劣分如一靛類優者可值數十元。役使諸禽 養鷹專爲捕兔之用以麻雀飼之忽不刺、鴿子皆善捕雀。兔虎善捕兔。

金魚 京人嗜玩金魚者亦夥前門外金魚池以養魚爲業者甚多以人爲淘汰之力變種名色甚繁如望天、龍睛、絨球、蛋魚、鳳尾、紅頭、獅頭諸名目優者每對需洋數元飼之必以缸或盆尋常之金魚呼曰草魚畜於池中各廟會有擔赴求售者。

昆蟲 昆蟲中如蟋蟀、螞蟬、油胡盧、金鐘各物皆爲京人嗜玩之物於冬季皆有人爲孵化畜養經冬售賣者有飼蝴蝶者則爲美麗之蝶。於小竹桶內飼之茶時傾茶於碗啟竹桶縱蝶使出迴旋茶煙之上移時復入近則少見矣。

一北京之工業

北京工業甚爲繁複。且於一種工業之中。仍有多數區分。如同爲木工。而或製棹椅。或製榫具。或製匣盒。仍各專治一事。不相爲謀。今就北京工業區分大致。分述於後。

銅工 銅製器物。有黃銅紅銅之別。日用品之盆壺等件。多紅銅製。鎖鑰文具等。多黃銅製。按物品分別言之如下。

(響器)前門大街響器舖。永順合、廣泰合等號。專製一切響器。如劇場所用鑼、雲鑼、鈸、鈹、鈸、宗敎家唸經所用法器。如鏡、鈸、鐘、鈴、鈸、鈸、等。(文具)製銅製文具之舖。名曰墨盒舖。前門外琉璃廠爲多。如義成號等。專製墨盒、墨瓶、鎮紙、仿圈、筆架、筆帽、筆床、盛漿糊之漿盒。然香麪之鏤花香盒等物。墨瓶貯墨汁。爲昔時場屋之利器。今則用者已少。墨盒鎮紙等物。皆鐫刻書畫題識於上。刻工之精粗。關其價值之大小。且均得定刻款識。漿盒之蓋。嵌以古錢一枚。可自孔中蘸取漿糊。香盒之形不一。方者、圓者、如意式者。各各不同。徧體刻以書畫。蓋爲鏤空花紋。以出香煙。

(日用品)銅製之日用品甚多。如鍋、火鍋、魚鍋、水壺、茶湯壺、水火壺、攪子、勺、漏勺、茶盤、香盤、臉盆、火盆、香爐、刀、食蟹具、帳鈎、簾鈎、漿刀、錘子、香鏟、花鏟、懸畫用之畫叉、熾台、煙袋、鎖、鑰、縫紉用之頂針、箱櫃之荷葉門環等。製之者甚多。如前門大街廣順昌、祥慶公、楊梅竹斜街寶源齋。皆是。又刀剪舖亦兼製頂針、煙袋等銅件。

(首飾)製銅質首飾。多在前門外排子胡同。崇文門外花兒市大街一帶。婦女用首飾之外。兼造小兒帽飾之鈴鐺、壽星、八仙等物。

(銅塊銅葉及銅絲)鑄鑄銅板砒碼等物之處。曰大爐廠。在崇文門外糞廠河泊廠等處。前門外打磨廠天元成所製黃銅板。供製墨盒。及他種銅器之用。紅銅葉供製壺盆等紅銅器之用。前門外板井胡同義泰永製菜銅板。備製銅鏡之用。紅黃銅絲。供一切紮縛之用。細銅絲。供製首飾之用。前門外花兒市永茂榮所製細珠絲。供穿珠花之用。紅銅白銅絲。供纏花杆之用。黃銅絲。供紮縛之用。紅銅刷絲。供作首飾刷垢之用。紅黃銅鬚。供製首飾用。響銅琴絲。爲打琴之發音物。稱絲毛絲。爲製稱星、戥子星之用。

(蒙古用品)安定門外外館之銅舖。龍祥湧等三家。專製蒙人日用及宗敎品。日用品如壺、桶、鍋、掛佩件之輪、解釋刀等。宗敎品如佛像、香爐、香槽、提爐、掛燈等。

(其他)崇文門外上四條源盛興製銅字。街巷牌樓用之。又製軍服帽章帽絲等物。

鐵工 鐵工略分熟鐵鑄鐵二種。以下先言熟鐵。